

180 845



QUÆSTIO MEDICA

QUOD LIBETARIIS DISPUTATIONIBUS

MANE DISCVTIENDA

IN SCHOLIS MEDICORUM

Die jous 3. Januarii.

M. PETRO YON

DOCTORE MEDICO, PRÆSIDE.

An senectus ætas plena malis?

I.

OMNIUM ætatum ut diversa temperies, sic ad morbos aut sanitatem, morum probitatem, aut prauitatem fors inæqualis. Quæ ad corporis functiones omnes expromendas inculpatè, gestiones animæ quasque obeundas, instructa probè, ea plena bonis; quæ varijs morborum procellis facile jactatur, pravis affectibus deformis fuerit, ea plena malis. Ex duabus partibus animâ & corpore coalescit homo, quarum vnionis modus ex ijs vnum est, ad quod cæcutimus in hac humana caligine, & cujus inquisitio ingenij est morosi, aut nimium satagentis; partium harum altera si quid mali patiatur, alteram trahit in consortium; ambæ si laborent, malorum accedit cumulus, & ætas redditur morti simillima, fortè deterior.

II.

SENECTUS ætatum omnium frigidissima siccissima, nullâ est eluctabilis arte, nullis arceri potest pelli-ue medelis,

siue ab annorum decursu, siue ab eo processu, qui est ad siccitatem furtim obrepit, siue ab externis veniat properata causis. Ea tot malis quasi naturali satellitio stipatur, vt à sene haud sit quærendum quæ valeat sed vbi doleat: huic enim canum caput, facies arata rugis, gingiuarum dentibus exarmata, balbuties, languens appetentia, imperfecta coctio quæuis, largus excrementorum prouentus, & tremit effæcto corpore laxa cutis, motus instabiles, molesta spiratio, destillationes, tussis, morbi omnis generis, quorum nec crisis perfecta sperari potest, nec abcessus salutaris, sensus hebetes, ad res omnes elanguescens ingenium, morum ineptia, senex cum extemplo est nec sapit, nec sentit.

III.

HOMINIS anima a deo, nullo intermedio, vel sequetro creatur, finem habitura nullum, principium quamvis habuerit, nisi quod nutu creata, nutu quoque queat dissolui, deo si libuerit auctori; at libuit ne libèret, voluit vt nollet. Cælestis ipsa ac prope diuina. Licet vna, multa diuersaque facit, & præter aliarum formarum leges, sæpè contraria. Ipsa sua pte naturâ sibi seruit, sibi imperat à corpore si semel absoluat; huic implicita, & ejus inclusa compagibus, innato calore vitur vt instrumento, ad suas omnes functiones obeundas, & temperamentum sibi constituit, aut à conditore sibi constitutum comparat ad vsum sui domicilij: Utriusque ope cor mouet, coquit in ventriculo, recoquit in jecore, digerit in membrâ, mutat in corpus, sufficit, vnit, instaurat, redintegrat: quin & per partes officiales, & administras rerum recipit impressiones, & fit talis quales fuerint illæ, sic in tenebris paudent melancholici, quia spiritus atri non anima, neque mens ægrotat, cum dolorem, quo cruciamur, non sentimus.

IV.

FRUSTRA morborum & morum causas syderum virtutibus tribuas, quæ temperamenta pingant occultis qualitatibus, cum non solum ad virtutes & vitia, morbos & sanitatem, sed ad quasvis artes alios alijs propensiores efficiat calor innatus, & ipse nemini notus quatuor primorum corporum modus. Anima licet possit corpus mouere sine spiritibus, cum materiâ tamen re tam vili conjuncta, sine adminiculis accidentium, & præsidio, fungi nequit suis officiis, vt quæ accidentia ejus in-

gressuræ fuerint apparatus, post modum acceptis ab ipsa nouis legibus, interpolentur, & fiant ejus instrumenta, sic mediocris calor qui ex iusta primordiorum exurgit confusione, sanitatem seruat, arcet morbos aut sanat, mores effingit inculpato, vim & effectiorem roborat omnem; ejus exuperantia vel defectus sanitatem euertit, morbos accersit, mores deprauat, aut reddit stolidos, hinc celeri concitatoque animo & corpore plures, alij tardo & hebeti, his lætitiæ & hilaritatis omnia plena, illis tristitiæ & mœroris, his sensus obtusi & pingues, illis veloces & expediti, hi morbis aut nullis, aut paucis, iisque leuioribus tentantur, illi toti sunt à natura morbi, & vix vllum vel leuem queunt sustinere.

V.

SENECTUS quæ lenta mors dicenda magis quam ætas, **S**omnia carptim vellitque deteritque comoda vitæ, corporis epotat succos, animique vigorem hebetat, igniculum vitæ autorem aquei humoris affusione suffocat paulatim, pinguem & oleosum hujus nutritium liquorem exhaurit, spiritus naturales & paucos suppeditat & crassiores, vitales adimit, animales obumbrat, & reddit caliginosos, vnde coctiones omnes deteriores, excrementorum prouentus vberior & morborum penè omnium manant semina; hinc senum unà cum corpore torpent consilia, hinc timiditas & diffidentia, avaritia; hinc senes nec secundis rebus quieti, nec aduersarum patientes, & memoriâ magis præteritorum, quam spe futurorum viucentes, queruli, morosi, loquaces, argutuli, vtilitatis magis quam honestatis studiosi, miseram quippe ad senectam tanquam ad officinam quandam mala vniuersa confluunt mortalium.

Ergo senectus ætas plena malis.

DOMINI DOCTORES DISPUTAVRI.

M. Guillelmus Lamy.

M. Petrus Yon.

M. Atonius de Saint-Yon.

M. Egidius Le Bel.

M. Abrahamus Theuart.

M. Nicolaus Lienard.

M. Stephanus le Gaigneur.

M. Petrus Bourdelot.

M. Carolus le Breton.

Proponebat Lutetiæ GERMANUS PREAUX, Parisinus,
A. R. S. H. MDCLXXIII.